

## STATUTI

### SHOQËRI ME PËRGJEGJËSI TË KUFIZUAR

“SunnySide” sh.p.k

Në Durrës, sot më datë 18 Janar 2023, ortaku themelues i shoqërisë “SunnySide” sh.p.k

Z.Aleksandr Gorshkov, i datëlindjes 05.02.1992 ,lindur në Bryansk Rusi e banues në Rusi, shtetas Rus, madhor, dhe me zotësi juridike për të vepruar, identifikuar me Pasaport me Nr: 764565638.

Me vullnet të plotë e të lirë, mbështetur :

Në Kushtetutën e Republikës së Shqipërisë dhe Kodin Civil në fuqi,

Në ligjin 9901 datë 14.04.2008, “ Per Tregëtarët dhe Shoqërite Tregëtare,

Në ligjin “Për Qëndrën Kombëtare të Biznesit” në atë Doganore, Fiskal e Tatimor, ka themeluar Shoqërinë tregtare me përgjegjësi të kufizuar me emrin “SunnySide” sh.p.k :( më poshtë e quajtur “shoqëria” ).

#### KREU I

#### NENI 1

#### Krijimi

Shoqëria “SunnySide” sh.p.k është person juridik i të drejtës shqiptare, Shoqëri me përgjegjësi të kufizuar.

#### NENI 2

#### Personaliteti juridik

Shoqëria fiton personalitetin juridik pasi të jetë regjistruar në QKB; në përputhje me kushtet dhe procedurat e parashikuar në ligj.

Shoqëria “SunnySide” sh.p.k: është një shoqëri tregtare, e themeluar nga ortaku i vetëm i shoqërisë Z.Aleksandr Gorshkov, i cili përgjigjet për detyrimet e shoqërisë tregtare dhe mbulon personalisht humbjet e shoqërisë deri në pjesën e pashlyer të kontributeve të nënshkruara. Kontributi i ortakut përbën kapitalin e regjistruar të shoqërise .

#### NENI 3

#### Selia

Shoqëria e ka selinë në Lagjia Nr1, Rruga Taulantia, Njësi me Nr.Pasurie 24/657/ND +1-43, ZK 8512, Durrës. Shoqëria mund të ndryshojë selinë e saj, të hapë zyra përfaqësie, degë, të krijoj filiale, si brenda dhe jashtë vendit Republikës së Shqiperisë, vetëm me vendimin e Ortakut themelues .

#### NENI 4

#### Objekti i veprimitarisë

Ndërtues I Software, Hardware, Aplikacione, Website, Web Faqe Interneti, etj. Dizenjim Software, e cila konsiston në analizën e kërkesave të sistemit Software, projektimi i arkitekturës dhe projektimi i detajuar i sistemit Software. Zhvillim dhe mirëmbajtje sistemesh software, në të cilin përfshihet programimi i sistemeve Software, kodimi, instalimi, integrimi i të gjithë komponentëve, dokumentimi, identifikimi dhe korrigimi i gabimeve, modifikimet, mirëmbajtja e të gjithë komponentëve, suporti i sistemit si një tërësi komponentësh, që në funksionimin e tyre, realizojnë qëllimin e zgjidhjes informatike. Përmiresim/upgrade sistemesh informatike. Operimi, menaxhimi, suporti i përdorimit, trajnimi dhe auditimi teknik/informatik për sistemet Software. Konsulencë e specializuar IT në fushën e Inxhinierisë Elektronike, si dhe çdo iniciativë tjetër ekonomike e lejuar nga Legjislacioni Shqiptar.

#### NENI 5

#### Kohëzgjatja

Shoqëria do të zhvillojë aktivitetin e saj për një periudhë kohore të papercaktuar, duke filluar nga data e regjistimit në QKB.

#### KREU II

#### KAPITALI

#### NENI 6

#### Kapitali themeltar

Kapitali themeltar i shoqërisë është 100.000 (njëqind mijë) lekë, i ndarë në 1 kuotë me vlerë nominale 100.000 (njëqind mijë) lekë, i nënshkruar plotësisht nga ortaku i vetëm themelues në masën 100%. Pjesët e kapitalit themeltar nuk mund të përfaqësohen nga letra me vlerë të tregtueshme. Kontributi i ortakut mund të jetë në para ose në natyrë (pasuri të luajtshme të paluajtshme apo të drejta). Ortaku i vetëm përgjigjet për humbjet e shoqërisë përkundrejt të tretëve deri në vlerën e kontributit të kapitalit themeltar të shoqërisë

Pjesët e kapitalit themeltar nuk mund të përfaqësohen nga letra me vlerë të tregtueshme. Kontributi i ortakëve mund të jetë në para ose në natyrë (pasuri të luajtshme / të paluajtshme apo të drejta). Ortakët përgjigjen për humbjet e shoqërisë përkundrejt të tretëve deri ne vlerën e kontributit të kapitalit themeltar të shoqërisë.

#### NENI 7

#### Zmadhimi dhe zvogëlimi i kapitalit

Kapitali i shoqërisë mund të zmadhohet nëpërmjet nënshkrimit të pjesëve të kapitalit themeltar për kontributet në para dhe me anë të kontributeve në natyrë, dhe në shërbime, nëpërmjet emërimit nga gjykata kompetente e një eksperti të autorizuar për këto kontribute në natyrë sipas kërkesës së administratorit.

Zvogëlimi i kapitalit realizohet me vendimin e Asamblesë së ortakëve të shoqërisë në të njëjtat kushte që kërkojen për ndryshimin e statutit. Projekti i zvogëlimit të kapitalit u komunikohet ekspertëve kontabël të autorizuar, në rast se ka të tillë të paktën 45 ditë përpëra datës së mbledhjes së Asamblesë së Ortakëve të thirrur për të marrë vendim rreth ketij projekti. Zvogëlimi i kapitalit themeltar në një vlerë më të vogël se ajo e përcaktuar në nenin 6 të këtij statuti, e bën të detyrushëm marrjen e një vendimi prej shoqërisë për zmadhimin e kapitalit themeltar të paktën deri në vlerën minimale. Në rast mosbatimi të kërkesave të këtij paragrafi, çdo person i interesuar mund të kërkoj në rrugë gjyqësore prishjen e shoqërise. Kjo prishje nuk mund të shpallet, në qoftë se rregullimi është bërë në ditën kur gjykata mblidhet për të marrë vendimin.

### **NENI 8**

#### **Transferimi kapitalit**

Kuotat e kapitalit të një shoqërie me përgjegjësi të kufizuar e të drejtat që rrjedhin prej tyre mund te fitohen apo të kalohen nëpërmjet :

- a) Kontributi në kapitalin e shoqërisë ,
- b) Shitblerjes,
- c) Trashëgimisë ,
- d) Dhurimit,
- e) Çdo mënyrë tjetër të parashikimit në ligj ,

Në rastin e kalimit me kontratë, kontrata duhet të behet me shkrim .

Personi që kalon kuotën dhe personi që e fiton atë përgjigjen në mënyrë solidare, ndaj shoqërise për kalimin e saj në Qëndrën Kombëtare të Regjistrimit, sipas nenit 43 të ligjit nr.9723, datë 03.05.2007 "Për Qëndrën Kombëtare të Biznesit". Regjistrimi kalimit të kuotave ka efekt deklarativ.

Pjesët e kapitalit themeltar janë lirisht të transferueshme me rrugë trashëgimie.

### **KREU III**

#### **ORGANET VENDIMMARRËSE DHE DREJTUESE**

### **NENI 9**

#### **Organë Vendimmarrës**

Asambleja e ortakëve është organi i vetëm i vendimmarrjes i shoqërisë. Asambleja e ortakëve është organi vendimmarrës i shoqërisë që miraton çdo ndryshim të statutit sipas modaliteteve të përcaktuara në ligj. Çdo ndryshim statuti duhet të depozitohet pranë QKR për të pasqyruar ndryshimet në skedën e shoqërisë.

Asambleja e ortakëve, vendos për çeshtje si :

- a) Përcaktimi i politikave tregëtare të shoqërisë ;
- b) Emërimin dhe shkarkimin e administratorëve
- c) Emërimin dhe shkarkimin e likuiduesve dhe të ekspertëve kontabël të autorizuar;

- d) Përcaktimin e shpërblimeve
- e) Mbikëqyrjen e zbatimit të politikave tregtare nga administratorët, përfshirë përgatitjen e pasqyrave financiare vjetore dhe raporteve të ecurisë së veprimtarisë ;
- f) Përfaqësimin e shoqërisë në gjykatë dhe në procedimet e tjera ndaj administratorëve
- g) Miratimin e rregullave procedurale të mbledhjeve të asamblesë ;
- h) Të gjitha vendimet e marra nga asambleja e ortakeve regjistrohen në një regjistër të vendimeve, të dhënat e të cilit nuk mund të ndryshohen ose të fshihen. Duhen regjistruar në veçanti, por pa u kufizuar në to, vendimet për:
  - a. Miratimin e pasqyrave financiare vjetore dhe të raporteve të ecurisë së veprimtarisë
  - b. Shpërndarjen e fitimeve vjetore dhe mbulimin e humbjeve ;
  - c. Investime
  - d. Vendimet përiorganizimin dhe prishjen e shoqërisë

Vendimet e paregjistruara në regjistrin e vendimeve janë absolutisht të pavlefshëm. Shoqëria nuk mund ti kundërdrejtoj pavlershmërinë e të tretit , që ka fituar të drejtë në mirëbesim, përvèç rastit kur shoqëria provon se i treti ka pasur dijeni përi pavlefshmërinë, apo në bazë të rrethanave të qarta nuk mund të kishte pasur dijeni përi të.

#### NENI 10

##### Administrimi

Administrator i shoqërisë caktohet **Znj.Ekaterina Gorshkova**, lindur në Bryansk Rusi, e banuese në Rusi, shtetase Ruse, madhore dhe me zotësi juridike përi vepruar, identifikuar me Pasaportë me Nr:759328597, e cila emërohet përi një afat 5 vjeçar me të drejtë përtëritje. Administratori emërohet dhe shkarkohet me vendim të Asamblesë së Ortakëve të Shoqërisë .

#### NENI 11

##### Kompetencat

Administratori ka të drejtë e detyrohet të :

- a) Kryejë të gjitha veprimet e administrimit të veprimtarisë tregtare të shoqërisë , duke zbatuar politikat tregtare , të vendosura nga asambleja e përgjithshme;
- b) Përfaqësojë shoqërinë tregtare ;
- c) Kujdeset përi mbajtjen saktë e të rregullt të dokumentave dhe librave kontabël të shoqërisë;
- d) Përgatisë dhe nënshkruejë bilancin vjetor , bilancin e konsoliduar dhe raportin e ecurisë së veprimtarisë dhe, së bashku me propozimet përi shperndarjen e fitimeve , I paraqesin këto dokumenta përpara asamblesë së përgjithshme përi miratim;
- e) Krijojë një sistem paralajmërimi në kohën e duhur përi rrethanat që kërcënojnë mbarëvajtjen e veprimtarisë dhe egzistencës së shoqerisë
- f) Kryejë rregjistrimet dhe të dërgojë të dhënat e detyrueshme të shoqërisë, siç parashikohet në ligjin përi Qëndrën Kombëtare të Regjistrimit.
- g) Raportojë përpara asamblesë së përgjithshme në lidhje me zbatimin e politikave tregtare dhe me realizimin e veprimeve të posaçme me rëndësi të veçantë përi veprimtarinë e shoqërisë tregtare ;

Administratorët janë të detyruar të thërrasin mbledhjen e ortakëvë në rastet kur :

Sipas bilancit vjetor apo raporteve të ndërmjetme financiare , rezulton ose ekziston rreziku që aktivet e shoqërisë nuk I mbulojnë detyrimet e kërkueshme brenda 3 muajve në vazhdim dhe kur shoqëria brenda 2 viteve të para pas regjistrimit të saj , propozon të blejë nga një ortak pasuri, që kanë vlerën 5 % të aseteve të shoqërisë , që rezulton në pasqyrat e fundit financiare të çertifikuara.

Administratorët kanë të drejtë të kryejnë të gjitha veprimet e administrimit të zakonshëm e të jashtëzakonshëm. Administratorët përfaqësojnë shoqërinë përpara të gjithë personave fizik dhe juridik , Publik dhe/ose privatë vendas ose të huaja, autoriteteve Shqiptare ose të huaja, përfshirë këtu marrëdhënie me të tretët në emër të shoqërisë, në të gjitha rrëthanat me përashtim të kompetencave që ligji ia jep shprehimisht ortakëve të shoqërisë.

Administratorët angazhojnë shoqërinë në marrëdhënie me të tretët nëpërmjet akteve që janë në përputhje me objektin e saj .

Shoqëria nuk merr përsipër pasojat ndaj të tretëve kur ajo provon se të tretët I dinin që akti I administratorit e kalonte objektin e shoqërisë ose kur të tretët nuk mund ta injoronin këtë akt në rrëthanat e dhëna , duke pasur parasysh faktin se vetëm shpallja e statutit nuk është provë e mjafthueshme .

## **NENI 12**

### **Përgjegjësitë**

Administratorët janë përgjegjës individualisht, ndaj shoqërisë ose ndaj të tretëve , për shkeljen e ligjeve,për shkeljen e statutit,apo për gabime të kryera gjatë administrimit të shoqërisë .

Pasojat e marrëveshjeve të pamiratuara nga Ortakët që I sjellin dëm shoqërisë, i ngarkohen administratorit ose subjektit që ka bërë marrëveshjen, për të përballuar në menyrë individuale ose solidarisht sipas rastit pasojat përkatësë.

Përveç sa është parashikuar në dispozitat e përgjithshme të detyrimit të besnikërisë , sipas neneve 14,15,17e 18 të ligjit “Për Tregtarët dhe Shoqërite tregtare” administratori detyrohet:

- a) Të kryejë detyrat e tij të përcaktuara në ligj dhe në statut në mirëbesim e në interesin më të mirë të shoqërisë në tërsi , duke i kushtuar vëmëndje të veçantë ndikimit të veprimtarisë së shoqërisë në mjesid ;
- b) Të ushtrojë kompetencat që i njihen me ligj dhe në statut vetëm për arritjen e qëllimeve të përcaktuara në këto dispozita;
- c) Të vlerësoj me përgjegjësi çeshtjet , për të cilat merret vendim;
- d) Të parandalojë dhe mënjanojë rastet e konfliktit , present apo të mundshëm , të interesave personal me ata të shoqerisë;
- e) Të ushtrojë detyrat e tij me profesionalizëm dhe kujdesin e nevojshëm .
- f) Administratori , gjatë kryerjes së detyrave të tij, përgjigjet ndaj shoqërisë për çdo veprim ose mosveprim , që lidhet në menyrë të arsyeshme me qëllimet e shoqërisë tregtare me përashtim të

rasteve kur në bazë të hetimit dhe vlerësimit të informacioneve përkatëse veprimi ose mosveprimi është kryer në mirëbesim .

3) Nëse administratori vepron në kundëshim me detyrat dhe shkel standartet profesionale sipas pikave 1 dhe 2 të këtij neni është I Detyruar t'i dëmshpërblejë shoqërise dëmet, që rrjedhin nga kryerja e shkeljes, si dhe t'i kalojë çdo përfitim personal që ata apo personat e lidhur me ta kanë realizuar nga këto veprime të parregullta. Administratori ka barrën e provës për të vërtetuar kryerjen e detyrave të tyre në mënyre të rregullt e sipas standardeve të këruara. Kur shkelja e kryer nga më shumë se një administrator , ata përgjigjen ndaj shoqërisë në mënyre solidare .

4) Në mënyrë të veçantë , por pa u kufizuar në ‘to, administratori është i detyruar t'i dëmshpërblejë shoqërisë dëmet e shkaktuara , nese , në , kundështim me dispozitat ligjore , “Për Tregtarët dhe Shoqëritë Tregtare , kryen veprimet e mëposhtme:

- a) U kthen ortakëve kontributet :
- b) U paguan ortakëve interesa apo dividentë ;
- c) U shpérndan aktivet shoqërisë;
- d) Lejon që shoqëria të vazhdojë veprimtarinë tregtare , kur , në bazë të gjëndjes financiare , duhej të parashikohej që shoqëria nuk do të kishte aftësi paguese për të shlyer detyrimet;
- e) Jep kredi.

#### Neni 13

#### Viti Financiar

Viti Financiar i shoqërisë fillon me 1 janar dhe përfundon në 31 dhjetor. Përashtimisht, viti i parë Financiar fillon nga data e regjistrimit të shoqërisë në QKB dhe mbyllt në 31 dhjetor.

#### Neni 14

#### Bilanci i shoqërisë dhe dividentet

Brenda 6 muajsh nga mbyllja e vitit financiar, me vendim të Asamblesë së ortakëve, miratohet bilanci i paraqitur nga Administratori.

Ortakët vendosin rrith shpérndarjes së dividentit, pasi të jenë zbritur humbjet e vitit të mëparshëm financiar,siç parashikohet nga ligji.

#### Neni 15

#### Ekspertët

Ekspertri ka për detyrë që të kontrollojë të gjithë dokumentacionin kontabël të veprimtarisë ekonomiko-tregtare të shoqërisë,atë gjithë vjetor dhe atë në lidhje me kontrollet periodike të ushtruara prej tij për rastet kur ai është ngarkuar dhe ka kryer një gjë të tille i ngarkuar nga ana e asamblesë së ortakëve.

Në përfundim të kontrollit ekspertri kontabël i autorizuar përgatit raportin me shkrim për nxjerrjen e rezultatit të bilancit financiar vjetor si dhe për atë për kontrollet periodike të ushtruara,të cilat është i detyruar që t'ia

paraqesë e dorëzojë në kohë asamblesë së ortakëve për t'i shqyrtuar e miratuar mbi bazën e të drejtës vendimore që ka.

### **Neni 16**

Të ardhurat neto(dividenti) që mbeten pas veçimit të fondeve ligjore të mësipërme dhe të atyre për shlyerjen e çdo detyrimi fiskal apo likuidimin e pagesave ~~ndaj~~ të tretëve,i mbeten dhe i kalojnë në pronësi, ortakëve të shoqërisë.

### **Neni 17**

Shpërndarja ose prishja e shoqërisë mund të bëhet në çdo kohë:

- a) kur mbaron kohëzgjatja e parashikuar në themelin e saj;
- b) me vendim të ortakëve;
- c) me hapjen e procedurave të falimentimit;
- ç) nëse nuk ka kryer veprimtari tregtare për dy vjet dhe nuk është njoftuar pezullimi i veprimtarisë në përputhje me pikën 3 të nenit 43 të ligjit nr.9723,datë 3.05.2007 “Për Qëndrën Kombëtare të Regjistrimit”;
- d) me vendim të gjykatës;

Në këtë rast asambleja merr vendim me shkrim në të cilin parashikon mënyrën e likuidimit të shoqërisë,duke caktuar një apo disa likuidatorë dhe shënuar në çdo dokument të nxjerrë prej tij emrin e likuidatorit dhe emërtesën shtesë “Shoqëri në likuidim e sipër”.

Prishja e shoqërive tregtare ka si pasojë hapjen e procedurave të likuidimit në gjendjen e aftësisë paguese,me përjashtim të rasteve kur është nisur një procedurë falimentimi.

Likuidimi kryhet nga likuiduesit e emëruar nga Ortakët themelues.

Nëse ortaket nuk marrin një vendim për emërimin e likuiduesve,brenda 30 ditëve pas prishjes, çdo person i interesuar mund t'i drejtohet gjykatës,për të caktuar një likuidues.

### **Neni 18**

Likuiduesi merr përsipër të drejtat dhe detyrimet e administratorëve nga data e emërimit të tij. Nëse shoqëria emëron më shumë se një likuidues, përvëçse kur akti i emërimit parashikon se ata veprojnë veçmas njeri-tjetrit, likuiduesit ushtrojnë bashkërisht të drejtat e detyrimet sipas këtij ligji. Likuiduesit mund të autorizojnë njërin prej tyre të kryejë veprime të një kategorie të posaçme. Kufizimet e tagrave të likuiduesve u kundrejtohen të tretëve në perputhje me përcaktimet e ligjeve. Likuiduesi i nënshtrohet mbikëqyrjes së ortakëve dhe administratorit.

### **Neni 19**

#### **Të drejtat e detyrimet e likuiduesit**

1. Detyra e likuiduesve është mbyllja e të gjitha veprimeve të shoqërisë, mbledhja e kredive të paarkëtuara dhe e kontributeve të pashlyera, shitja e pasurive të shoqërisë dhe shlyerja e kreditorëve duke respektuar radhën e referimit, sipas nenit 605 të Kodit Civil.

2. Nëse, në bazë të padive të ngritura nga kreditorët, sipas nenit 194 të ligjit “Për Tregtarët dhe Shoqëritë Tregtare”, likuiduesit vërejnë se pasuria e shoqërisë tregtare, përfshin detyrime të pashlyera, nuk është e mjaftueshme për pagesën e këtyre pretendimeve, likuiduesit ta pezullojnë procedurën e likuidimit e t'i kërkojnë gjykatës përkatëse nisjen e fazës së falimentimit.

Likuiduesi përgatit një bilanc të gjëndjes së shoqërisë në çastin e hapjes së likuidimit përfundimtar në çastin e mbylljes së këtyre procedurave. Nëse procedura e likuidimit zgjat më shumë se një vit, likuiduesi përgatit, gjithashtu, pasqyrat financiare vjetore të shoqërisë. Bilancet kolektive dhe komandite miratohen nga ortakët e tjerë, ndërsa në shoqëritë aksionare ata kanë përgjegjësi të kufizuar miratohen nga asambleja e përgjithshme.

#### Neni 20

#### Përfundimi i likuidimit

Pas shpërndarjes së aktiveve të mbetur, likuiduesi e njofton Qëndrën Kombëtare të Biznesit përfundimin e likuidimit dhe kërkon çregjistrimin e shoqërisë, në përputhje me seksionin nr. 9723, datë 3.05.2007 “Për Qëndrën Kombëtare të Regjistrimit”.

#### Neni 21

#### Bashkimi

Dy ose më shumë shoqëri mund të bashkohen nëpërmjet:

1. Kalimit të të gjitha aktiveve dhe pasiveve të njërsë ose më shumë prej shoqërive që quhen shoqëri të përthithura, të një shoqërie tjetër ekzistuese, e quajtur shoqëria përthithëse, në këmbim të aksioneve dhe kuotave të kësaj shoqërie. Ky proces quhet bashkim me përthithje.

2. Themelimit të një shoqërie të re, tek e cila kalon të gjitha aktivet e pasivet e shoqërive ekzistuese që bashkohen në këmbim të aksioneve apo kuotave të shoqërise së re. Ky proces quhet bashkimi i një krijimi të një shoqërie të re.

#### Neni 22

#### Ndarja

1. Nje shoqëri mund të ndahet me vendim të Ortakëve, duke transferuar të gjitha aktivet e pasivet e veta në favor të dy ose më shumë shoqërive ekzistuese apo të themeluara rishtazi. Shoqëria që ndahet vlerësohet e prishur.

2. Për ndarjen e shoqërisë zbatohen përkatesisht dispozitat e neneve 216 deri në 225 të ligjit 9901 datë 14.04.2008..

3. Shoqëritë, që fitojnë pasuritë e shoqërisë që ndahet, quhen shoqëri pritëse dhe përgjigjen në mënyrë solidare për detyrimet e kësaj të fundit.

4. Regjistrimi i ndarjes së shoqërisë pranë Qëndrës Kombëtare të Regjistrimit ka si pasojë kalimin të shoqëritë pritëse të të gjitha aktiveve e pasiveve të shoqërisë që ndahet, në përputhje me reportin e ndarjes, të përcaktuar në marrëveshjen e ndarjes. Ky kalim sjell pasoja për marrëdhëniet ndërmjet shoqërive, si dhe pér palët e treta; bërjen e aksionarëve/ortakëve të shoqërisë që ndahet aksione apo ortakë të një ose më shumë shoqërise pritëse, në përputhje me reportin e ndarjes përcaktojnë marrëveshjen e ndarjes, vlerësimin e shoqërisë që ndahet si e prishur dhe çregjistrimin e saj nga Qëndra Kombëtare e Regjistrimit, sipas seksionit V të ligjit nr . datë 3.05.2007 "Për Qëndrën Kombëtare të Regjistrimit" pa kryerjen e likujdimit.

#### Neni 23

#### Shëndërrimi

Shoqëria mund te ndryshojë formën e vet ligore, nëpërmjet shndërrimit të saj në shoqëri aksionere. Shoqëria nuk sjell pasoja mbi të drejtat e detyrimet, që shoqëria ka marrë përsipër ndaj të tretëve .

#### Neni 24

#### Baza ligore

Shoqëria do të zhvillojë aktivitetin e saj në përputhje të plotë me këtë statut dhe dispozitat e legjisacionit shqiptar. Për sa nuk parashikohet në këtë statut, do të zbatohen dispozitat e ligjit "Për tregtaret dhe Shoqëritë Tregtare" Kodit Civil dhe çfarëdo ligjit tjeter specifik në Republikën e Shqipërisë

#### Neni 25

#### Mosmarrëveshjet

Për mosmarrëveshjet që mund të lindin në lidhje me zbatimin apo interpretimin e këtij statuti, si dhe për çdo mosmarrëveshje që mund të lindin midis Shoqërisë dhe të tretëve, do të jetë kompetente Gjykata Shqiptare .

#### Neni 26

#### Dispozita përfundimtare

Ky Statut u redaktua ne 4 kopje me vlera të njëjta juridike në gjuhën shqipe dhe pasi u lexua nga ortaku i shoqërisë, nënshkruhet me vullnet te lirë dhe të plotë.

**ORTAKU I VETËM I SHOQËRISË**

**ALEKSANDR GORSHKOV**

Aleksandr Gorshkov

Jag